



東坡集卷第十三

詩八十一首

蜜酒歌 并叙

西蜀道士楊世昌善作蜜酒絕醇釀余既得其方作此歌遺之

真珠為漿玉為醴六月田夫汗流泚不如春甕自生香  
蜂為耕耘花作米一日小沸魚吐沫二日眩轉清光活三  
日開壅香滿城快瀉銀餅不須撥百錢二斗濃無聲甘  
露微濁醍醐清君不見南園採花蜂似雨天教釀酒醉  
先生先生年來窮到骨問人乞米何曾得世間萬事





真悠悠蜜蜂大勝監河侯

又一首答二猶子與王郎見和

脯青苔炙青蒲爛蒸鵝鴨乃瓠壺煮豆作乳脂為酥  
高燒油燭斟蜜酒貧家百物初何有古來百巧出窮人  
搜羅假合亂天真詩書與我為麴孽醞釀老夫成措  
紳質非文是終難久脫冠還作扶犁叟不如蜜酒無煥  
寒冬不加甜夏不酸老夫作詩殊少味愛此三篇如酒  
美封胡羯末已可憐不知更有王郎子

謝陳季常惠一措巾

夫子胸中萬斛寬此中何事小團團半升僅漉淵明

酒二寸繞容子夏冠好帶黃金雙得勝可憐白紵一生  
酸臂弓腰箭何時去直上陰山取可汗

贈黃山人

面頰照人元自赤眉毛覆眼見來烏倦遊不擬談玄牝  
示病何妨出白須絕學已生真定惠說禪長咲老浮屠  
東坡若肯三年住親與先生看藥爐

問大冶長老乞桃花茶栽東坡

周詩記苦茶茗飲出近世初緣厭梁肉假此雪昏滯嗟  
我五畝園桑麥苦蒙醫不令寸地閑更乞茶子藝飢寒  
未知免已作太飽計庶將通有無農末不相戾春來凍



地裂紫筍森已銳牛羊煩訶叱筐筥未敢睨江南老  
道人齒髮日夜逝他年雪堂品空記桃花裔

魚蠻子

江淮水為田舟楫為室居魚鰕以為糧不耕自有餘異  
哉魚蠻子本非左袵徒連排入江住竹瓦三尺廬於  
焉長子孫戚施且侏儒擘水取魴鯉易如拾諸途  
破釜不着鹽雪鱗毛青蔬一飽便甘寢何異獺與  
狙人間行跡難踏地出賦租不如魚蠻子叩頭泣勿語桑大  
虛空虛未可知會當筭舟車蠻子叩頭泣勿語桑大  
夫

弔李臺卿并叙

李臺卿字明仲廬州人貌陋甚性介不羣而博學強記  
罕見其比好左氏有史學考正同異多所發明知天文  
律歷千載之日可坐數也軾謫居黃州臺卿為麻城主  
簿始識之既罷居於廬而曹光州演甫以書報其亡  
臺卿光州之妻黨也

我初未識君人以君為笑垂頭若病鶴煙雨霾七竅弊  
衣來過我危坐若持釣褚裋半面新顰蔑一語妙徐徐  
涉其瀾極望不得微却觀元嫵媚士固難輕料看書眼  
如月鐸隙靡不照我老多遺忘得君如再少從橫通



雜藝云甚博且知要所恨言無文至老幽不耀其生世  
莫識已死誰復吊作詩遺故人庶解俗子譙

曹既見和復次其韻

造物本兒戲風噫雷電笑誰令妄驚怪失七號萬竅  
人人走江湖一操網釣偶然連六鰲便謂此手妙空  
令任公子三歲躡海激長貧固不詞一死實未料難  
將耆草筭除用佛眼照何人嗣家學恨子兒尚少  
嗟我與曹公衰老世不要空言今無救奇志後必  
耀吟公五字詩義重千金弔收藏慎勿出免使羣兒  
譙

次韻孔毅甫集古人句見贈五首

羨君戲集他人詩指呼市人如使兒天遣鴻鵠不易得  
便令作對隨家雞退之驚笑子羨三問君久假何時歸  
世間好句世人共明月自滿千家墀

紫駝之峯人莫識雜以雞豚真可惜今君坐致五侯鯖  
盡是猩脣與熊白路傍拾得半斷槍何必開爐鑄矛戟  
用之如何在我耳入手當令君喪魄

天下幾人學杜甫誰得其皮與其骨劃如太華當我前  
跛狎欲上驚崢嶸名章俊語紛交衡無人巧會當時情  
前生子羨只君是信手拈得俱天成



詩人雕刻閑草木搜抉肝腎神應哭不如默誦千萬首  
左袖右取談笑足夜吟石鼎聲悲秋可憐好事劉與侯  
何當一醉百不問我欲眠矣君歸休  
骨明蘭臭俱自焚象牙翠羽然其身多言自占為數  
窮微中有時堪解紛癡人但數羊羔兒不知何者是左  
慈千章萬句卒非我急走投君應已遲

六年正月二十日復出東門仍用前韻

亂山環合水侵門身在淮南盡處村五畝漸成終老計  
九重新掃舊巢痕豈惟見慣沙鷗熟已覺來多釣  
石溫長與東風約今日暗香先返玉梅魂

食柑

一雙羅帕未分珍林下先嘗愧逐臣露葉霜枝翦寒  
碧金盤玉指破芳辛清泉漱漱先流齒香霧霏霏  
欲喫人坐客慙勤為奴子千奴一掬奈吾貧

大寒步至東坡贈巢三

春雨如暗塵春風吹倒人東坡數間屋坐子誰與鄰空  
床歛敗絮破竈鬱生薪相對不言寒哀哉知我貧我  
有一瓢酒獨飲良不仁未能頰我頰聊復濡子脣故人  
千鐘祿馭吏醉吐茵那知我與子坐作寒蟄呻努力莫  
怨天我尔皆天民行看花柳動共享無邊春



元脩菜并叙

菜之美者有吾鄉之菜故人巢元脩嗜之余亦嗜之元脩云使孔北海見當後云吾家菜邪因謂之元脩菜余去鄉十有五年思而不可得元脩適自蜀來見余於黃乃作是詩使歸致其子而種之東坡之下云

彼美君家菜鋪田綠茸茸豆莢圓且小槐芽細而豐種之秋雨餘擢秀繁霜中欲花而未萼一一如青蟲是時青裙女採擷何忽心丞丞之復湘之香色蔚其饒點酒下鹽豉縷橙毛薑葱那知雞與豚但恐放箸空春盡苗葉老耕翻煙雨岑取潤隨甘澤化暖作青泥融始

終不我負力與糞壤同我老忘家舍楚音變兒童此物獨嫵媚終年繫余骨君歸致其子囊盛勿函封張騫移首着適用如葵菘馬援載薏苡羅生等蒿蓬懸知東坡下塔鹵化千鐘長使齊安人指此說兩翁

二月三日點燈會客

江上東風浪接天苦寒無賴破春妍試開雲夢羔兒酒快瀉錢塘藥玉船蠶市光陰非故國馬行燈火記當年冷煙濕雪梅花在留得新春作上元

上巳日與二三子携酒出游隨所見輒作數句明日集之為詩故詞無倫次



薄雲霏霏不成雨，杖藜曉入千花塢。柯丘海棠吾有  
詩，獨笑深林誰敢侮。三杯卯酒人徑醉，一枕春睡日  
亭午。竹間老人不讀書，留我閉門誰教汝。出簷藜  
枳十圍大，寫真素壁千蛟舞。東坡作塘今幾尺，推乃酒  
一勞農工苦。却尋流水出東門，壞垣古塹花無主。卧開  
桃李為誰妍，對立鳩鵲相媚嫵。開餅藉草勸行路，不  
惜春衫汙泥土。寒裳共過春草亭，扣門却入韓家圃。轆  
轤繩斷井深碧，鞦韆索挂人何所。映簾空復小桃枝，乞  
漿不見應言門。女南上古臺臨斷岸，雪陣翻空迷仰俯。  
故人餽我玉葉羹，爨火冷煙消誰為煮。崎嶇東蘊下

荒徑煙花雨，花雨好語更隨落。景盡餘傳却傍孤城得  
僧宇，主人勸我洗足，眼倒床不復聞鐘鼓。明朝門外泥  
一尺，始悟三更雨。如許平生所向無，一遂茲遊何事天不  
阻。周知我友不終窮，窮豈弟君子神所予。

日日出東門

日日出東門，步尋東城遊。城門抱闌干，笑我此何求。  
我亦無所求，駕言馮我憂。意適忽忘返，路窮乃歸休。  
懸知百歲後，父老說故侯。古來賢達人，此路誰不由。百  
年富貴屋千載，歸山丘何事羊公羊。不肯過西州。

南堂五首



江上西山半隱堤此邦臺館一時西南堂獨有西南向  
卧看千帆落淺溪

莫年眼力嗟猶在  
多病顛毛却未華  
故作明窓書  
小字更開幽室養丹砂

他時雨夜困移床  
坐感愁聲點客腸  
一聽南堂新  
瓦響似聞東海小荷香

山家為約訂千房  
安坐稚子新畦五畝蔬  
更有南堂堪  
著客不憂門外故人車

掃地焚香閉閣眠  
簾紋如水帳如煙  
客來高覺知何處  
挂起西窓浪接天

卜韻子由種杉竹

吏散空庭雀噪簷  
閉門獨宿夜厭厭  
似聞梨棗同時種  
應與秋皇刻日添  
糟麴有神薰不醉  
雲霜誇健巧相沾  
先生坐待清陰滿  
空使人人歎帶淹

孔毅甫妻挽詞

結褵記初歡  
同穴期晚歲  
擇夫得溫嶠  
生子勝王濟  
高風相賞友  
古義仍兄弟  
從君吏隱中  
窮達初不計  
云何抱沉疾  
俯仰便一世  
幽陰淒房  
摧芳澤  
在巾袂  
百年縱得滿  
此路行亦逝  
那將有限身  
長馮無益涕  
君文照今古  
不比山石脆  
當觀千字誄  
寧用百金瘞



次韻孔毅甫久旱已而甚雨三首

飢人忽喜飯粥滋夢中一飽百憂失只知夢飽本來空  
未悟真飢定何物我生無田食破硯爾來硯枯磨不出  
去年大歲空在酉傍舍盡粟米不容乞今年旱勢復如此  
歲晚何以黔吾突青天此物涕淚呼不聞况欲稽首號泥  
佛甕中腸斷尤可笑跋跋脉脉何等秩陰陽有時雨  
有數民是天民天自飢我雖窮苦不如人要亦自是民之  
一形容可似喪家狗不肯辨耳爭投骨倒冠落帽謝朋  
友獨與蚊雷共圭臬故人嗔我不開門君視我門誰肯  
屈可憐明月如潑水夜半清光翻我室風從南來非雨

候且為疲人洗烝鬱寒裳一和快哉謠未暇飢寒念明日

去年東坡拾瓦礫自種黃桑三百尺今年刈草蓋雪堂  
日炙風吹面如墨平生懶惰今始悔老大勤農天所直  
沛然例賜三尺雨造化無心悅難測四方上下同一雲甘  
靈不為龍所隔俗有分龍日蓬蒿下濕迎曉未燈火新涼催  
夜織老夫作罷得甘寢卧聽墻東人響屐屐奔流未已坑  
谷平折葦枯荷恣漂溺腐儒養鹿糲乞百年力耕不受  
衆目憐破陂漏水不耐旱人力未至求天全會當作塘徑  
千步橫斷西北遮山泉四鄰相率助舉杆人人知我囊無



錢明年共看決渠雨飢飽在我軍闌天誰能伴我田間飲  
醉倒惟有支頭軌

天公號令不再出十日愁霖併為一君家有田水冒田  
我家無田憂入室不如西州楊道士萬里隨身惟雨  
腴泐流不惡泝亦佳一葉扁舟任漂突山芎麥麴都不  
用泥行露宿終無疾夜來飢腸如轉雷旅愁非酒不  
可開楊生自言識音律洞簫入手清且哀不須更待秋  
井塌見人白骨方銜盃

初秋寄子由

百川日夜逝物我相隨去惟有宿昔心依然守故處憶

在懷遠驛閉門秋暑中蒸羹對書史揮汗與子同西風忽  
淒厲落葉穿戶牖子起尋袂衣感歎執我手朱顏不  
可恃此語君勿疑別離恐不免功名定誰期當時已悽  
斷况此兩衰老失塗既難追學道恨不早買田秋已  
議築室春當成雪堂風雨夜已作對床聲

和黃魯直食筍次韻

飽食有殘肉飢食無餘菜紛然生喜怒似被狙公賣尔  
來誰獨覺凜凜白下宰太古一飯在家僧至樂甘不壞  
多生味蠹簡食筍乃餘債蕭然映樽俎未肯雜菘芥君  
看霜雪姿童稚已耿介胡為遭暴橫生嗅不忍噉朝



來忽解籜勢迫風雷噫尚可餉二閭飯筒纏五米

間子由為郡僚所掎恐當去官

少學不為身宿志固有在雖然敢自必用舍置度外天  
初若相我發迹造宏大豈敢負所付捐軀欲投會寧知  
事大繆舉步得狼狽我已無可言墜甑難追悔子雖僅  
自免難助安足賴低面畏罪苦龜俛敢言退若人疑或使  
為子得微罪時哉歸去來共抱東坡耒

次韻王鞏南遷初歸二首

問君謫南賓治葛食幾尺逢人瘴髮黃入市胡眼碧三  
年不易三坐睨倚天壁歸來貌如故妙語仍破鑄那能

庶詩酒亦未妨禪寂願為尚書郎即還賜尚方馬

江外舊池臺脩竹圍一尺歸來萬事非惟見秦淮碧平  
生痛飲處遺墨鴉樓壁西來故父客金印雜鳴鏑三  
槐老更茂花繁春寂寂中微未可料家廟葺赤烏

孔毅甫以詩戒飲酒問買田且乞墨竹次其韻

酒中真復有何好孟生雖賢未聞道醉時萬慮一掃空  
醒後紛紛如宿草十年指洗見真安石女無兒焦穀槁  
此身何異貯酒瓶滿輒予人空自倒武昌痛飲豈吾意  
性不違人遭客惱君家長松十畝陰借我一庵聊洗心  
我田方寸耕不盡何用百頃糜千金枕書熟睡呼不起



好學憐君二雜擬且將墨石換新詩潤色何須待東里

任師中挽詞

大任剛烈世無有疾惡如風朱伯厚小任溫毅老更文  
聰明慈愛小馮君兩任才行不須說疇昔並友吾先人  
相看半作晨星沒可憐太白與殘月大任先去家未乾  
小任相繼呼不還強寄一樽生死別樽中有淚酒應酸  
貴賤賢愚同盡耳君家不盡緣賢子人間得喪了無憑  
只有天公終可倚

子由作二頌頌石臺長老問公手寫蓮經字如  
黑蟻且誦萬徧脅不至席二十餘年予亦作二

首

眼前擾擾黑此蟬口角霏霏白唾珠要識吾師無礙處  
試將燒却看項無

眼睛心地兩虛圓脅不露床二十年誰信吾師非不睡  
睡蛇已死得安眠

鄧忠臣母周挽詞

微生真草木無處謝天力慈顏如春風不見桃李實古  
今把此恨有志俯仰失公子豈先知戰戰常惜日吾君  
日月照委曲到肝腑哀哉人子心吾何愛一邑家庭拜  
前後粲然歆笑色豈比黃壤下焚瘞千金譬若人



道德人視此亦戲劇聊償曾閱意處與仙佛寂孤疊  
卧江渚求望墳墓隔作詩相楚挽感慟淚載滴

徐君猷挽詞

一舸南遊遂不歸清江赤壁照人悲請看行路無從涕  
盡是當年不忍欺雪後獨來栽柳處竹間行復採茶時  
山城散盡樽前客舊恨新愁只自知

和蔡景繁海州石室

芙蓉仙人<sub>柳曼</sub>舊遊處蒼藤翠壁初無路戲將桃核  
裹黃泥石間散擲如風雨坐令空山出錦繡倚天照  
海花無數花間石室可容車流蘇寶蓋窺靈宇何年

霹靂起袖物玉棺飛出王喬墓當時醉卧動千日至今  
石縫餘糟醕<sub>人</sub>一去五十年花老室空誰作主手植數  
松今偃蓋蒼髯白甲低瓊戶我來取酒酌先生後車仍  
載胡琴女一聲冰鐵散巖谷海為瀾翻松為舞尔來  
心賞復何人持節中郎醉無伍獨臨斷岸呼出口紅波  
碧巘相吞吐徑尋我語覓餘聲拄杖彭鏗叩銅鼓長篇  
小字遠相寄一唱三歎神凄楚江風海雨入牙頰似聽  
石室胡琴語我今老病不出門海山巖洞知何許門外  
桃花自開落床頭酒甕生塵土前年開閣放柳枝今年  
洗心參佛祖夢中舊事時一笑坐覺俯仰成今古願君



不用刻此詩東海桑田真且莫

和秦太虛梅花

西湖處士骨應槁只有此詩君壓倒東坡先生心已灰  
為愛君詩被花惱多情立馬待黃昏殘雪消違月出  
早江頭千樹春欲闌竹外一枝斜更好孤山山下醉眠處  
點綴裙腰紛不掃萬里春隨逐客來十年花送佳人老  
去年花開我已病今年對花還草草不如風雨卷春歸  
收拾餘香還畀昊

再和潛師

化工未議蘇群槁先向寒梅一傾倒江南無雪春瘴生

為散冰花除熱惱風清月落無人見洗粧自起霜鐘早  
惟有飛來雙白鷺玉羽瓊枝闔清好吳山道人心似水眼  
淨塵空無可掃故將妙語寄多情橫機欲試東坡老  
東坡習氣除未盡時復長篇書小草且撼長條冷落  
英恐飢未擬窮呼昊

橄欖

紛紛青子落紅鹽正味森森苦且嚴待得微甘回齒頰  
已輸崖蜜十分甜

海棠

東風嫋嫋泛崇光香霧霏霏霏月轉廊只恐夜深花睡去



更燒高燭照紅粧

東坡

雨洗東坡月色清  
市人行盡野人行  
莫嫌竿确坡頭路  
自愛鏗然曳杖聲

生日王郎以詩見慶次其韻并寄茶二十一片

折楊新曲萬人趨  
獨和先生于薦于  
但信續藏終自售  
豈知盤脫本無樨  
竭從冰叟來游宦  
肯伴臞仙亦號儒  
棠棣並為天下士  
芙蓉曾到海邊郭  
不嫌霧谷靈松柏  
終恐虹梁荷棟榑  
高論無窮如鋸屑  
小詩有味似連珠  
感君生日遙稱壽  
祝我餘年老不枯  
未辦報君青玉案

建溪新餅截雲腴

別黃州

病瘡老馬不任轡  
猶向君王得敝帷  
桑下豈無三宿戀  
樽前聊與一身歸  
長腰尚欲撐腸米  
闊領先裁蓋纓衣  
投老江湖終不失  
來時苒苒追故人非

過江夜行武昌山上聞黃州鼓角

清風弄水月銜山  
幽人夜渡吳王岷  
黃州鼓角亦多情  
送我南來不詞遠  
江南又聞出塞曲  
半雜江聲作悲健  
誰言萬方聲一聚  
鼉憤龍愁為余變  
我記江邊枯柳樹  
未死相逢真識面  
他年一葉沂江來  
還吹此曲相迎餞



自興國往筠宿石田驛南二十五里野人舍

溪上青山三百疊快馬輕衫來一林倚山脩竹有人家  
橫道清泉知我渴芒鞋竹杖自輕軟蒲薦松床六香  
滑夜深風露滿中庭惟見見孤螢自開闔

將至筠先寄遲適遠三猶子

露宿風食六百里明朝飲馬南江水未見豐豆盈犀角  
兒先逢王雪王郎子時道逢王郎於建昌方北行也對床欲作連夜語  
念汝還須戴皇起夜來夢見小於菟還名菟猶是髮髦垂兩  
耳憶過濟南春未動三子出迎殘雪裏我時移守古  
河東酒肉淋漓渾舍喜而今憔悴一羸馬逆旅擔夫

相汝尔出城見我定驚嗟身健窮愁不須耻我為乃翁  
留十日掣電一歡何足恃惟當火急作新詩一醉兩翁  
勝酒美

端午游真如遲適遠從子由在酒局

一與子由別却數七端午身隨綵絲繫心與昌歎苦今  
年足馬來佳節日夜數兒童喜我至典衣具雞黍水餅  
既懷鄉飯筒仍愍楚謂言必一醉快作西川語寧知是  
官身糟麴困薰煮獨携三子出古剎訪禪祖高談付  
梁羅詩律到阿虎歸來一調笑慰此長齟齬梁羅遲小名

別子由三首 兼別遲



知君念我欲別難我今此別非他日風裏揚花雖未定  
雨中荷葉終不濕二年磨我費百書一見何止得雙璧  
顏君亦莫歎留滯六十小劫風雨疾

先君昔愛洛城居我今亦過嵩山麓水南卜宅吾豈敢  
試向伊川買脩竹又聞緱山好泉眼傍市穿林瀉水玉  
遙想郊軒照水開兩翁相對清如鶴

兩翁歸隱非難事惟要傳家好兒子憶昔汝翁如汝  
長筆頭一落三千字世人聞此皆大笑慎勿生兒兩翁  
似不知携櫟薦明堂何似監車壓千里

初別子由至奉新作

雙鵲先我來飛上東軒背書隨好夢到人與佳節會一  
歡難把玩回首了無在却渡來時溪斷橋號淺瀨茫茫  
茫暑天闊鵲鵲孤城背青山旣暝中落日淒涼外盛衰  
豈吾意離合非所礙何以解我憂粗了一事大

同年程筠德林求先墳二詩

思成堂

宰樹連山谷祠堂照路隅養松無觸鹿助祭有馴烏歸  
夢先寒食兒啼到白須遙知鄰里化醉叟道爭扶

歸真亭

舊笑袒司馬今師鄭大夫不知徂歲月空覺老楸梧祭



禮傳家法阡名載版圖會看千字誅木抄見龜趺

過建昌李野夫公擇故居

彭蠡東北源廬阜西南麓何人脩水上種此一雙玉  
思之不可見破宅餘脩竹四鄰戒莫犯十畝森似束  
我來仲夏初解籜呈新綠幽鳥向我鳴野人留我宿  
裴回不忍去微月挂喬木遙想他年歸解組巾一幅  
對床老兄弟夜雨鳴竹屋卧聽鄰寺鐘書窓耿殘  
燭

初入廬山三首

青山若無素偃蹇不相親要識廬山面他年是故人

廬山

自昔懷清賞神游杳謁間如今不是夢真箇在廬  
山

芒屨青竹杖自挂百錢游可怪深山裏人人識故侯

圓通禪院先君舊游也四月二十四日晚至宿焉  
明日忌日也乃手寫寶積戲蓋頌佛一偈以  
贈長老僊公僊拊掌笑曰昨夜夢寶蓋飛下  
著處輒出火豈此祥乎乃作是詩院有蜀僧宣  
逮事訥長老識先君云

石耳峯頭路接天梵音堂下月臨泉此生初飲廬山水



他日徒參雪竇禪，袖裏寶書猶未出。夢中飛蓋已先傳，何人更識嵇中散。野鶴昂藏未是仙。

子由在筠作東軒記，或戲之為東軒長老。其婿曹煥往筠，余作一絕句送曹，以戲子由。曹過廬山，出以示圓通，慎長老慎欣然，亦作一絕送客。出門歸入室，趺坐化去。子由聞之，乃作二絕，以荅予。一以荅慎，明年余過圓通，始得其詩。乃

追次慎韻

君到高安幾日回，一時得數舊塵埃。贈君一籠牢收取，盛取東軒長老來。余送曹詩

東軒長老未相逢，已見黃州一信通。何必揚眉資目擊，須知千里事同風。慎老和

東軒只似虛空樣，何處人家籠解盛。縱使盛來無處

著，雪堂自有老師兄。子由荅予詩

檐頭挑得黃州籠，行過圓通一笑開。却到山前人已寂，亦無一物可擔回。子由荅慎詩

大士何曾有生死，小儒低處覓窮通。偶留一映千山上，散作人間萬竅風。余和慎詩

余過溫泉，壁上有詩云：直待衆生摠無垢，我方清冷混常流。問人云：長老可遵作遵，已退居



圓通亦作一絕

石龍有口口無根自在源泉誰吐吞若信衆生本無垢  
此泉何處覓寒溫

世傳徐凝瀑布詩云一條界破青山色至公何處  
陋又偽作樂天詩稱羨此句有賽不得之語樂  
天雖涉淺易然豈至是哉乃戲作一絕

帝遣銀河一派垂古來惟有謫仙詞飛流幾沫知多少  
不與徐凝洗惡詩

書李公擇白石山房

偶尋流水上崔嵬五老蒼顏一笑開若見謫仙頰寄

語匡山頭白早歸來

贈東林揔長老

溪聲便是廣長舌山色豈非清淨身夜來八萬四千偈  
他日如何舉似人

題西林壁

橫看成嶺側成峰遠近高低無一同不識廬山真面目  
只緣身在此山中

廬山二勝 并叙

余游廬山南北得十五六其勝殆不可勝紀而懶不作  
詩獨擇其尤者作二首



開先漱玉亭

高巖下赤白深谷來悲風擊開青山峽飛出兩白龍  
亂沫散霜雪古潭搖清空餘流滑無聲快馬雙石  
硤我來不忍去月出飛橋東蕩蕩白銀闌沉沉水  
精宮願隨琴高生脚踏赤鯨公手持白芙蓉跳下  
清冷中

栖賢三峽橋

吾聞大山石積日穿綫溜況此百雷震萬世與石  
闢深行九地底發出三峽石長輸不盡溪欲滿無  
底竇跳波翻潛魚垂尾望日落飛抗清寒入山骨  
草木盡堅瘦

空濛煙靄間頃洞金石奏鬱鬱飛橋出漱漱半月  
設玉淵神龍近雨雹亂晴晝垂餅得清甘可嚙不  
可漱

陶驥子駿佚老堂二首

文學與元禮尚得稱世舊淵明吾所師夫子乃其  
後桂冠不待年亦豈為五斗我歌歸來引余增伯淵明歸去來引千載

信尚友相逢黃卷中何似一盃酒君醉我且歸明  
朝許

來否我從廬山來自送孤飛雲路逢陸道士知是  
千歲

人誠問當時友虎溪已埃塵以聞佚老堂知是幾  
世孫

能為五字詩仍戴漉酒巾人呼小靜節自號高天  
民

和李太白并叙



李太白有潯陽紫極宮感秋詩紫極宮今天慶觀也道士胡洞微石本示予蓋其師卓珉之所刻珉有道術節義過人今亡矣太白詩云四十九年非一往不可復今予亦四十九感之次其韻玉芝一名瓊田草洞微種之七八年矣示更數年可食許以遺余故并記之

何處聞秋聲脩脩北窓竹回薄萬古心攬之不足掬靜坐觀衆妙浩然媚幽獨白雲南山來就我簷下宿懶從唐生決差訪季主卜四十九年非一往不可復野情轉蕭散世道有翻覆陶令歸去來田家酒應熟寄卧虛寂堂月明浸疎竹泠然洗我心欲飲不可掬流

光發未歎自昔非予獨行年四十九還此北窓宿緬懷卓道人白首寓醫卜謫仙固遠矣此士亦難復世道如奕碁變化不容覆惟應玉芝老待得蟠桃熟

次韻道潛留別

爲聞廬岳多真隱故就高人斷宿攀已喜禪心無別語尚嫌剝髮有詩班異同更莫疑三語物我終當付八還到後與君開北戶舉頭三十六青山



東坡集卷第十四

詩七十九首

歧亭五首并叙

元豐三年正月余始謫黃州至歧亭北二十五里山上有白馬青蓋不迎者則余故人陳慥季常也爲留五日賦詩一篇而去明年正月復往見之季常使人勞余於中途余久不殺恐季常之爲余殺也則以前韻作詩爲殺戒以遺季常季常自爾不復殺而歧亭之人多化之有不食肉者其後數往見之必作詩詩必以前韻凡余在黃四年三往見季常而季常七來見余蓋相從百餘



東坡集卷第十四

詩七十九首

岐亭五首并叙

元豐三年正月余始謫黃州至岐亭北二十五里山上  
有白馬青蓋不迎者則余故人陳慥季常也爲留五日  
賦詩一篇而去明年正月復往見之季常使人勞余於  
中途余久不殺恐季常之爲余殺也則以前韻作詩爲  
殺戒以遺季常季常自爾不復殺而岐亭之人多化之  
有不食肉者其後數往見<sub>之</sub>必作詩詩必以前韻凡余  
在黃四年三往<sub>見</sub>季常而季常七來見余蓋相從百餘



日也七年四月八日量移汝州自江淮徂維送者皆止慈湖而季常獨至九江乃復用前韻通為五篇以贈之昨日雲陰重東風融雪汁遠林草木暗近舍煙火濕下有隱君子嘯歌方自得知我犯寒來呼酒意頗急拊掌動鄰里遠村捉鵝鴨房櫓鋸器聲蔬果照巾屨久聞萋蒿美初見新芽赤洗盃酌鵝黃磨刀削熊白須臾我徑醉坐睡落巾幘醒時夜向闌唧唧銅餅泣黃州豈云遠但恐朋友缺我當安所主君亦無此客朝來靜庵中惟見峰巒集

我哀籃中蛤閉口護殘汁又哀網中魚開口吐微濕刺

腸彼交病過分我何得相逢未寒温相勸此最急不見盧懷慎烝壺似烝鴨坐客皆忍笑髡然發其幕不見王武子每食刀机赤琉璃載烝豚中有人乳白盧公信寒陋衰髮得滿憤武子雖豪華未死神已泣先生萬金璧護此一蟻缺一年如一夢百歲真過客君無廢此篇

嚴詩編杜集

君家蜂作窠歲歲添添汁我身牛穿鼻卷舌聊自濕二年三過君此行真得得愛君似劇孟叩門知緩急家有紅頰兒能唱綠頭鴨行當隔簾見花霧輕罽帟上為我取黃封親拆官泥赤仍須煩素手自點葉家白



樂哉無一事十年不蓄憤閉門弄漆丁哇笑雜呱泣西  
方正苦戰誰補將帥缺披圖見八陣合散更評主客不  
須親戎行坐論教君集

酸酒如釐湯甜酒如蜜汁三年黃州城飲酒但飲濕我  
如更揀擇一醉豈易得幾思壓茅柴禁網日夜急西鄰  
推甕盃醉倒猪與鴨君家大如掌破屋無遮幕何從  
得此酒冷面妬君赤定應好事人千石供李白為君三  
日醉蓬髮不暇憤夜深欲逾垣卧想春甕泣君奴亦笑  
我鬢齒行禿缺三年已四至歲歲遭惡客人生幾兩  
屐莫厭頻來集

枯松強鑽膏樨竹欲漉汁兩窮相值遇相哀莫相濕不  
知我與君交遊竟何得心法幸相語頭然未為急願為  
穿雲鵬莫作將雛鴨我行及初夏煮酒映疏幕故鄉在  
何許西望千山赤茲遊定安歸東泛萬頃白一歡寧復再  
起舞花隨憤將行出苦語不用兒女泣吾非固多笑君  
豈無一缺各念別時言閉戶謝衆客空堂淨掃地虛  
白道所集

郭祥正家醉畫竹石壁上郭作詩為謝且遺古

銅劍二

空腸得酒芒角出肝肺槎牙生竹石森然欲作不可回



吐向君家雪色壁平生好詩仍好畫書牆泥壁長遭罵  
不嗔不罵喜有餘世間誰復如君者一雙銅劍秋水  
光兩首新詩爭劍鏃劍在床頭詩在手不知誰作蛟  
龍吼

龍尾硯歌并引

余舊作鳳唼石硯銘其略云蘇子一見名鳳唼坐令龍  
尾羞牛後已而求硯於歙歙人云子自有鳳唼何以比  
爲蓋不能平也奉議郎方君彥德有龍尾大硯奇甚謂  
余若能作詩少解前語者當奉餉乃作此詩  
黃琮白琥天不惜顧恐貪夫死懷璧君看龍尾豈石

持玉德金聲寓於石與天作石來幾時與人作硯初不  
詞詩成鮑謝石何與筆落鍾王硯不知錦茵玉匣俱塵垢  
擣練支床亦何有况嗔蘇子鳳唼銘戲語相嘲作牛後碧  
天照水風吹雲明窓大几清無塵我生天地一閑物蘇子  
亦是支離人麤言細語都不擇春蚓秋蛇隨意畫願從  
蘇子老東坡仁者不用生分別

張近幾仲有龍尾子石硯以銅劍易之

我家銅劍如赤蛇君家石硯蒼壁嶺而窪君持我劍向  
何許大明宮裏玉佩鳴衝牙我得君硯亦安用雪堂窓  
下爾雅箋蟲鰕二物與人初不異飄落高下隨風花柳



緜玉具皆外物視草草玄無等差君不見秦趙城易璧  
指圖睨柱相誇誇又不見二生妾換馬驕嗚噉江思其  
家不如無情兩相與永以為好譬之桃李與瓊華

張作詩送硯反劔乃和其詩卒以劔歸之

贈君長鉞君當歌每食無魚歎委蛇一朝得見暴公子  
櫛具欲與冠爭峩豈比杜陵貧病叟終日長鉞隨短蓑  
斬蛟刺虎老無力帶牛佩犢吏所訶故將換硯豈無意  
恐君瑠瑤傷天和作詩反劔亦何謂知君欲以詩相磨報  
章苦恨無好語試向君硯求餘波詩成劔往硯應笑那  
將屋漏供懸河

去歲九月二十七日在黃州生子名遯小名幹兒  
頗然穎異至今年七月二十八日病亡於金陵作

二詩哭之

吾年四十九羈旅失幼子幼子真吾兒眉角生已似未  
暮觀所好踰躐逐書史搖頭却梨栗似識非分耻吾老  
常鮮歡賴此一笑喜忽然遭奪去惡業我累尔衣新那  
免俗變滅須臾耳歸來懷抱空老淚如瀉水

我淚猶可拭日遠當日忘母哭不可聞欲與汝俱亡故  
衣尚懸架淚乳已流床感此欲忘生一卧終日僵中年  
黍聞道夢幻講已詳儲藥如丘山臨病更求方仍將



恩愛刃割此哀老腸知迷欲自反一慟送餘傷

集濤致遠見和二詩復次其韻

濤顛倒

平生無一女誰復歎爾耳滯留生此兒足慰周南史  
那知非真實造物聊戲尔煩惱初無報恩愛為種子  
煩公為假說反復相指似欲除苦海浪先乾愛河水  
弃置一寸鱗悠然笑候喜為公寫餘習餅壘正一時耻  
聞公少已悟拄杖久倚牀笑我老而癡負鼓欲求亡庶  
幾東門子社史安敢望嗜毒戲猛獸慮患先不詳囊  
破蛇已走尚未首齧傷妙哉兩篇詩洗我千結腸黠  
蠶不作蠶未老輒白僵永謝湯火厄冷然超無方

次荆公韻四絕

青李扶疎禽自來清真逸少手親栽深紅淺紫從爭  
發雪白鵝黃也鬪開

斫竹穿花破綠苔小詩端為覓椹栽細看造物初無物  
春到江南花自開

騎驢渺渺入荒陂想見先生未病時勸我試求三畝宅  
從公已覺十年遲

甲第非真有閑花亦偶栽聊為清淨供却對道人開

後拾宅  
作詩

張庖民挽詞



東晉巾車令西京執戟郎甘心向山水結髮事文章故  
自輕千戶何曾羨一囊天高鬼神惡骨朽姓名芳廛嶺  
銘旌暗秦淮舊宅荒吾詩不用刻妙語有黃香黃香直作

次韻葉致遠見贈

欲求五畝寄樵蘇所至遲留似賈胡信命不須歌去  
汝逢人未免歎猶吾人皆勸我杯中物我獨憐君屋上  
烏一技文章何足道要言磨却是文珠

次韻杭人裴維甫

餘杭門外葉飛秋尚記居人挽去舟一別臨平山上塔

五年雲夢澤南州淒涼禁此緣吾屐避迨秦淮為子留  
寄謝西湖舊風月故應時許夢中游

次韻段縵見贈

季子東周負郭田須知力穡是家傳細思種莖五十本  
大勝取禾三百廩若得與君連北巷故應終老忘西川  
短衣疋馬非吾事只擬閑門不問天

題孫思聰真

先生一去五石載猶在峨眉西崦中自為天仙足官府  
不應尸解坐螭蟲

戲作鱖魚一絕



粉紅石首仍無骨  
雪白河豚不藥人  
寄語天公與河伯  
何妨乞與水精鱗

同王勝之游蔣山

到郡席不暖  
居民空惘然  
好山無十里  
遺恨恐他年  
欲款南朝寺  
同登北郭船  
朱門收畫戟  
紺字出青蓮  
前  
宛北夾路蒼髯古  
迎人翠麓倫  
龍腰蟠故國  
鳥爪寄曾巔  
竹杪飛華屋  
松根泣細泉  
峯多巧障日  
江遠欲浮天  
略約橫秋水  
浮屠掃暮煙  
歸來不踏人  
影雲細月娟娟

至真州再和二首

老手王摩詰  
窮交孟浩然  
論詩曾伴直  
話舊已忘

年北上華陪  
驥東行且迹  
出維亭花映  
肉醉眼驚鷺  
窺蓮花轉三山  
沒風回五兩  
偏荒祠過瓜  
步古甃墮松  
巔聞道清香  
閣新筍白玉  
泉莫教唱掩  
夜坐待月流  
天小院檀槽  
鼎空庭裊燭  
煙公詩便堪  
唱爲付小婢  
娟

公顏如雪柏  
千載故依然  
我無根柳  
空中不待年  
肯留歸關  
旆坐待逆風  
帆特許山門  
傳籥那知箭  
起蓮相逢  
月上後小語  
坐西偏流落  
千帆側追思  
百尺巔躬耕  
懷谷口水石  
羨平泉茅屋  
歸元亮霓裳  
醉樂天行聞  
宣室召歸近  
御爐煙未用  
歌地下隨宜  
教李娟

次韻谷實真覺



芒屨竹枝布行纏  
遮莫千山更萬山  
從來無脚不解滑  
誰信石頭行路難

眉子石硯歌

與胡閏

君不見成都畫手開十眉  
袂雲却月爭新奇  
遊人指點小壩處  
中有漁陽胡馬嘶  
又不見王孫青瑣橫  
雙鬢石腸斷  
浮空遠山色  
書生性命何足論  
坐費千金買消渴  
爾來喪亂愁天公  
謫向君家書硯中  
小窓虛幌相嫵媚  
令君曉夢生春紅  
毗耶居士空處結習已  
空花不住試教天女為磨鉛  
千偈瀾翻無一語

以玉帶施元長老

以納裙相報次韻

病月知堪玉帶圍  
鉛根仍落箭鋒禱  
欲教乞食歌姬院  
故與雲山舊納衣

此世閻人如傳舍  
流傳到我亦悠悠  
錦袍錯落真相稱  
乞與佯狂老萬回

次韻滕元發許中途秦少遊

二公詩格老彌新  
醉後狂吟許野人  
坐看青丘吞澤斧  
自慙黃潦薦溪蘋  
兩邦旌燾光相照  
十畝鋤犁手日親  
何似秦郎妙天下  
明年獻頌請東巡

送金山鄉僧

歸蜀開

撞鐘浮玉山  
迎我三千指  
衆中間聲效未語  
知彌畢我



非箇中人何以默識子振衣忽歸去隻影千山裏涪江  
與中冷共此一味水冰盤薦琥珀何似糖霜美

送沈達赴廣南

嗟我與君皆丙子四十九年窮不死君隨幕府戰西羌  
夜渡冰河斫雲壘飛塵漲天箭洒甲歸對妻孥真  
夢日我謫黃岡四五年孤舟出沒煙波裏故人不復通  
問訊疾病飢寒疑死矣相逢握手一大笑白髮蒼顏略  
相似我方北渡脫重江君復南行輕萬里功名如幻何  
足計學道有涯真可喜向嶼丹砂已付君汝陽壘蓋吾  
何耻君歸赴我雞黍約買田築室從今始

豆粥

君不見呼沱流漸車折軸公孫倉皇奉豆粥濕薪破竈  
自燎衣飢寒頓解劉文叔又不見金谷敲冰草木春帳  
下烹煎皆羨人萍蓬豆粥不傳法咄嗟而辨石季倫干戈  
未解身如寄聲色相纏心已醉身心顛倒自不知更識人  
間有真味豈如江頭千頃雪色蘆茆簷屋出沒晨煙孤  
地雖春秔先似玉沙餅煮豆軟如酥我老此身無着處  
賣書來問東家住卧聽鷄鳴粥熟時蓬頭曳履君  
家去

秦少游夢發瘡而死之者云是劉發之極是歲



發首薦薦秦以詩賀之劉涇亦作因次其韻  
君看三代士執雉木以殺身為小補居官死職戰死綏夢  
尸得官真古語五行勝已斯為官官如草不吾如士位  
而未祿猶貧客待以純臣蓋非古魏焉曰獻稱寡君豈  
比公卿相爾汝世衰道微士失已得喪悲懽友其故草  
袍蘆葦相嫵媚飲食嬉遊事群聚曲江船舫月燈迷  
是謂舞賓而歌墓看花走馬到東野餘子紛紛何足  
數二生年少兩豪傑詩酒不知軒冕苦故令將仕夢從  
棺勸子勿為官所腐塗車芻靈皆有假設者服細看君  
勿誤時來聊復一飛鳴進隱不須煩伍舉

金山夢中作

江東買客木絲裘會散金山月滿樓夜半潮來風又熟  
計吹簫管到揚州

次韻周禮惠石棹

銅腥鉄澁不宜泉愛此蒼然深且寬蟹眼翻波湧已作  
龍頭拒火柄猶寒薑新鹽少茶初熟水漬雲炙蘇冰  
乾自古函牛多折足要知無脚是輕安

次韻蔣穎叔

月明驚鵲未安枝一棹飄然影自隨江上秋風無限浪  
枕中春夢不多時瓊林花草闌前語卷畫溪山指後



期豈敢便為難委約玉堂金殿要論思

蔣詩記及第時  
瓊林宴坐中所

言且約月  
卜居陽羨

### 龜山辯才師

此生念念浮雲似寄語長淮今好在故人宴坐虹梁南  
新河巧出龜山背木魚呼客振林莽鐵鳳橫空飛綵繪  
忽驚堂宇亦雄深坐覺風雷生警效美師游戲浮漚間  
笑我榮枯彈指內嘗茶看畫亦不惡問法求詩了無礙  
千里孤帆又獨來五年一夢誰相對何當來世結香火永  
與名山躬并禮

### 贈潘谷

潘郎曉踏河陽春明珠白璧驚市人那知望拜馬蹄下  
胷中一斛泥與塵一何似墨潘穿破褐琅琅翠餅敲玄笏  
布衫凍黑手如龜未害冰壺貯秋月世人重耳輕目前  
區區張李爭媿如一朝入海尋李白空看人間畫墨仙

### 徐大正閑軒

冰蠶不知寒火鼠不知暑知閑見閑地已覺非閑侶君  
看東坡翁懶散誰比數形骸墮醉夢生事委塵土早  
眠不見燈晚食無欺午卧看旣取盜坐視來漂雨語希  
舌頰強行少腰如僂五年黃州城不踏黃州鼓人言我  
閑客置此閑處問閑作何味如眼不自覩頗訝徐孝



庶得閑能幾許介子願奉使翁歸備文武應緣不耐  
閑名字挂庭宇我詩為閑作更得不閑語君如汗血駒  
轉眄略燕楚莫嫌空輅重終勝監車苦

蒜山松林中可卜居余欲憾其地地屬金山故  
作此詩與金山元長老

魏王大瓠無人識種成何翅實五石不詞破作兩大尊  
只憂永淺江湖空我材濩落本無用虛名驚世終何益  
東方先生好自譽孟賁子路并為一杜陵布衣老且愚  
信口自比契與稷莫年欲學柳下惠嗜好酸鹹不相  
入金山也是不羈人早歲聞名晚相得我醉而嬉欲仙

去夢人笑倒山謂實問我此生何所歸笑指浮休百年宅  
蒜山幸有閑田地招此無家一房客

王中父哀詞

并叙

仁宗朝以制策登科者十五人軾忝冒時尚有富彥國  
張安道錢子飛吳長文夏公酉陳令舉錢醇老王中父  
并軾與家弟轍九人存焉其後十有五年哭中父於密  
州作詩吊之則子飛長文令舉沒矣又八年軾自黃州  
量移汝海與中父之子沈之相遇於京口相持而泣則半  
五人者獨三人存耳蓋安道及軾與家弟而已嗚呼悲  
夫乃復次前韻以遺沈之時沈之亦以罪謫家于錢塘



生獨不獨比前人東蓁端能廢謝鯤子達想無身後  
念吾衰不復益中論已知毅豹為均死未識刑凡  
定孰存堪笑東坡癡鈍老區區猶記刻舟痕

蔡景繁官舍小閣

使君不獨東南美典刑長記先君子戡朝王叟短轅車  
肯為徐郎書紙尾三年弭節江湖上千首放懷風月裏  
手開東閣坐虛明目淨東溪照清泚素琴濁酒容一榻  
落霞孤鷺為供千里大舫何時繫門柳小詩屢欲書牕  
紙文昌新構滿鴈繞馬都邑正喧收杞梓相逢一醉豈

有命南來寂寞君歸矣

高郵陳直躬處士畫鴈二首

野鴈見人時未起意先改君從何處看得此無人態無  
乃槁木形人禽兩自在北風振枯葦微雪落瓊瓏慘  
淡雲水昏晶熒沙磔碎七人悵何慕一舉渺江海

眾禽事紛爭野鴈獨閑絮徐行意自得俯仰老有節  
我寒寄江湖老伴雜鴉鴨作書問陳子曠景畫若雪依  
依聚圓沙稍稍動斜月先鳴獨鼓翅吹亂蘆花雪

和王旂二首 旂平父子

異時長恠謫仙人舌有風雷筆有神聞道騎鯨遊汗漫



憶嘗捫蝨話悲辛氣吞餘子無全目詩到諸郎尚絕倫  
白髮故交空掩卷淚河東注問蒼旻

嬋嬋春風送渡關娟娟霜月照坐還遲留歲莫江淮上  
來往君家伯仲間未厭冰灘吼新洛且看松雪媚南山  
野於官柳何時動飛蓋長橋待子閑

次韻張晚

新洛霜餘兩岸陰塵埃舉袂識西風臨淮自古多名士  
樽酒相從樂寓公半日偷閑歌嘯裏百年待盡往來  
中知君不向窮愁老尚有清詩氣吐虹

次韻王定國南遷回見寄

土暈銅花蝕秋水要須悍石相龍砭十年冰蘂戰膏梁  
萬里煙波濯紉綺歸來詩思轉清激百文空渾教魴鯉  
浙將桂浦擷蘭蓀不記槐堂收劍履却思庾嶺今何在  
更說彭城真夢耳宋詩述數君知先認口是甘井我願得  
全如苦李妄心不復九回腸至道終當三洗髓廣陵陽羨  
何足較只有無何真我里余買田陽羨來詩樂全老子今禪  
伯張安道也定國其婿制等電機鋒不容擬心通豈復問云何印可聊須  
答如是相逢為我話留帶桃花春漲孤舟起

贈梁道人

採藥空山處羨過笑看金狄手摩挲老人文父識君久



造物小兒如子何寒盡山中無曆日雨斜江上一漁竿  
神仙護短多官府未厭人間醉踏歌

題雍秀才畫二早蟲八物

促織

月叢號耿耿露葉泣溽溽夜長不自暖那憂公子寒

蟬

蛻形濁汗中羽翼便翔好秋來問何闊已抱寒茱萸

蝦蟇

悍日知誰瞋縮腹空自脹慎勿因蜈蚣飢蛇不汝放

蟋蟀

洪鍾起暗室飄瓦落空庭誰言轉九手能作殷牀聲

天水牛

兩角從自長空飛不服箱為牛竟何事利吻穴枯桑

蝟虎

跂跂有足蛇脉脉無角龍為虎若公坐食盡萬尾蟲

蝟牛

腥涎不滿殼聊足以自濡升高不知回竟作粘壁枯

鬼蝶

雙眉卷鐵絲兩翅暈金碧初來花爭妍忽去鬼無迹

泗州南山監倉蕭淵東軒二名



偶隨樵父採都梁南山名都梁山出都梁香故也竹屋松扉試乞將來但

見東軒堪隱几不知公子是監倉溪中亂石墻垣古

山下寒蔬七箸香我是江南舊游客挂冠知有老蕭

郎

北望飛塵苦書靈洗心聊復寄東齋玲禽聲好猶思越

野橋香清未過淮有信微泉來遠嶺無心明月轉空階

一官倉廩真堪老坐看松根絡斷崖

泗州除夜雪中黃師是送酥酒二首

莫雪紛紛投碎米春流咽咽走黃沙舊游似夢徒能說

逐客如僧豈有家冷硯欲書先自凍孤燈何事獨成

花使君半夜分酥酒驚起妻孥一笑譁

關右土酥黃似酒揚州雲液却如酥欲從元放覓拄杖

忽有麴生來座隅對雪不堪令飽煖隔船應已厭歌呼

明朝積玉深三尺高枕床頭尚一壺

章錢二君見和復次韻答之

黃昏已作風翻絮半夜猶驚月沙照汴玉峯明佛刹

隔淮雲海暗人家來麴有信迎三白詹圃無香散六花

詹圃柘子花也與雪花皆六出欲喚阿咸來守歲林烏捩馬聞喧譁

分無纖手栽春勝况有新詩點蜀酥醉裏冰髭失纓絡

夢回布被起廉隅君應族睫寒生暈我亦飢腸夜自呼



明日南山春色動不知誰佩紫微壺

正月一日雪中過淮謁客回作二首

十里清淮上長堤轉雪龍水崖落屐齒風葉亂裘茸  
萬頃穿銀海千尋渡玉峯從來脩月手合在廣寒宮  
攢眉有底恨得句不妨清霽霧開寒谷飢鴉舞雪  
城橋聲春市散塔影莫淮平不用殘燈火船窓夜自  
明

劉乙新作射亭

乙新嘗知眉州

蘭玉當年刺史家  
雙韉馳射笑穿花  
而今白首閑鷓  
馬只有清樽照畫蛇  
寂寂小軒蛛網遍  
陰陰密柳鴈

行斜手柔弓燥春風後置酒看君中戟牙

孫莘老寄墨四首

徂徠無老松易水無良工  
珍材取樂浪妙手惟潘翁

潘谷

許墨並推用  
尚無此法

魚胞熟萬杵犀角盤雙龍  
墨成不敢用進入

蓬萊宮蓬萊春晝永  
三殿明房擁金箋  
酒飛白瑞霧紫  
長虹遙隣醉常侍  
一笑開天空

谿石琢馬肝剡藤開玉版  
噓噓雲霧出奕奕  
龍蛇縮此

中有何好秀色紛滿眼  
故人歸天祿古漆窺  
靈簡前麋  
給尚方老手擅編刻  
分餘幸見及流落  
一歎被

我貧如飢鼠長夜空齧齧  
瓦池研竈煤  
葦管書柿葉



近者唐夫子遠致烏玉玦

唐林夫寄張  
墨半丸

先生又繼之圭璧

爛箱篋清窓洗硯坐虵蚓稍蟠結便有好事人敲門求  
醉帖

吾窮本坐詩之服朋友戒五年江湖上閉口洗殘債今  
來復稍稍快癢如爬疥先生不譏訶又復寄詩極幽光  
發奇思點黥出荒怪詩成一自笑故疾逢鰕蟹

留題蘭皋亭

雪後東風未肯和扣門遷客夜經過不知舊竹生新筍  
但見清伊換濁河無復往來乘下澤聊同笑語說東坡  
明年我亦開三徑寂寂無無雀可羅

和人見贈

只馬東坡不著名此身已是一長亭壯心無復春流起  
衰鬢從教病葉零知有雪兒供筆硯應嗤電婦洗盆  
餅回來索酒公應厭京口新傳作客經

和田仲宣見贈

頭白江南醉司馬寬心時復喚穀兄寒潮不應淮無信  
客路相隨月有情未許低頭拜東野徒言共飲勝公榮  
好詩惡韻那容和刻燭應須便置觥

和王勝之三首

城上湖光暖欲波美人唱我踏春歌魯公賓客皆詩酒



誰是神仙張志和

齋釀如灑漲綠波公詩句句可竊歌流觴曲水無多日

更作新詩繼永和

要知太守憐孤客不惜陽春和  
但歌坐睡樽前呼不應  
為公雕琢損天和

託夢 并序

樂全先生夢人以詩三篇示之字皆旁行而不可識旁  
有人道衣古貌為讀其中一篇云人事且常在留賢悟  
圓間凡四句覺而忘其二以告其友蘇軾軾以私意廣  
之云

圓間有物物間空豈有圓空入井中不信天形真箇樣  
故應眼力自先窮連環已解如神手萬竅猶號未濟風  
稽首問公公大笑本來誰礙更求通

東坡集卷第十四





西

西



